

**APPROVED**

**DEBORAH SEILER**  
Tagapagrehistro ng mga Botante

**MICHAEL VU**  
Katulong na Tagapagrehistro

# County of San Diego

REGISTRAR OF VOTERS  
5201 Ruffin Road, Suite I, San Diego, California 92123-1693

Opisina: (858) 565-5800  
Fax: (858) 694-2955  
TDD: (858) 694-3441  
Walang Bayad: (800) 696-0136

Oktubre 29, 2008

## ANO ANG MAARING ASAHAAN NG MGA KANDIDATO SA IKA-4 NG NOBYEMBRE AT PAGKATAPOS

Ang mga resulta ng boto sa Gabi ng Eleksyon ay talaga namang malaking bahagi ng istorya ngunit, katulad ng pagkakaalam ng karamihan sa inyo, marami pa ang darating.

Karaniwan, 15% hanggang 20% ng kabuuang mga botong inihulog sa isang eleksyon ay hindi kasali sa mga resulta ng Gabi ng Eleksyon gawa ng maraming mga dahilan:

**Mga Balotang Pangkoreo** – Ang opisina ng Tagapagrehistro ng mga Botante ay nagpadala sa koreo ng higit sa 650,000 mga balota para sa eleksiyong ito at sa panahon ng pagkasulat nito ang humigit-kumulang 250,000 ay naisauli na. Halos lahat ng mga balotang pangkoreo na isinauli sa aming opisina pagdating ng Lunes, ika-3 ng Nobyembre ay maisasali sa bilangan ng Gabi ng Eleksyon na aming ipapalabas pagkatapos ng ika-8 ng gabi. Ito ay maaring magbibilang ng halos 25% hanggang 30% ng kabuuang bilang ng lahat ng mga balotang binilang sa eleksyon.

Subalit, maraming mga botanteng bumoboto sa pamamagitan ng koreo ang naghuhulog sa kanilang mga balota sa lugar ng botohan o sa aming opisina sa Araw ng Eleksyon. Ang mga sobreng ito ng balotang pangkoreo ay kailangang basahin, uriin, at i-tsek ang pirma bago alisin ang mga balota sa mga sobre at bilangin. Depende sa dami, aabutin kami ng ilang mga araw bago matapos ang trabahong ito. Inaasahan namin na nasa pagitan ng 100,000 hanggang 150,000 na mga balotang pangkoreo ang maaring maihulog sa mga lugar ng botohan.

**Mga Probisyonal na Balota** – Noong eleksyon ng Pebrero 2008 kami ay nagkaroon ng higit sa 53,000 mga probisyonal na balota na kinailangang i-tsek sa loob ng panahon ng pagbibilang pagkatapos ng eleksyon. Sa kabilang aming pagsisikap na himukin ang mga botanteng bumoto sa kanilang nakatakdang presinto, ang dami ng bilang para sa darating na eleksyon ng Nobyembre ay maaring maging kasing-dami o mas marami pa kaysa sa numero noong Pebrero. Karamihan sa mga probisyonal na balota ay inihuhulog ng mga taong humihiling ng mga balotang pangkoreo ngunit pumupunta sa lugar ng botohan upang bumoto at hindi nila dinadala ang kanilang balota. Marami rin ang inihuhulog ng mga botanteng pumupunta sa maling lugar ng botohan para bumoto. Ang pagproseso sa mga balotang ito ay lubhang matrabaho. Kami ay bumibilang ng hindi bababa sa ilang bahagi ng karamihang mga probisyonal na balota, ngunit ang bawat kalahating nabilang na balota ay kailangang markahan ng kamay o ultin ng buo. Ang prosesong ito ay umaabot ng dalawang linggo o higit pa para makumpleto.

**Mga Balotang Touchscreen** – Ang lahat ng mga balotang ibinoto sa pamamagitan ng mga touchscreen ay ginagawang mga balotang papel at pagkatapos ay binabasa sa makina. Ito rin ay isang matrabahong proseso, depende sa dami ng mga botong inihulog sa mga makina.

**Mga Nasirang Balota** – Ang ilang mga balota ay dumarating na may sira at kailangang kopyahin at gawing mga bagong balota upang maaring basahin ng makinang bumabasa sa balota. Ito ay isa pang matrabahong gawain na kailangan naming kumpletuhin sa loob ng 28-araw na panahon ng pagbibilang pagkatapos ng eleksyon.

Kabilang sa pagproseso ng mga uri ng balotang nakalista sa itaas, aming inaayos ang mga talaan para sa 1,697 na mga presinto ng botohan at nagsasagawa ng isang manwal na pagbibilang ng 1% ng lahat ng mga presinto. Ang pagbibilang na ito ay nagsasama kapwa sa presinto at mga balotang pangkoreo at sinasamahan ng mga balota mula sa mga presintong kung saan mayroong mga kandidato at panukalang hindi nakasali sa orihinal na pagpili ng mga presinto. Bilang kinalabasan, ang kabuuang numero ng mga presintong aming manwal na binibilang ay umaabot mula humigit-kumulang 30 hanggang sa higit sa 80. Karaniwan kami ay natatapos ng halos kapos sa oras para maabot ang aming hangganan ng pagpapatibay, na kung alin ay sa ika-2 ng Disyembre para sa eleksyon ng ika-4 ng Nobyembre.

Kapag ang mga resulta ng boto para sa isang takdang paligahan ay malapit, nauunawaan namin ang inyong pagنانسا ng mga balita. Binabalak naming ipalabas ang mga pinakabagong resulta sa Nobyembre 7, 10, at 14. Kung kailangan, kami ay magpapalabas ng pana-panahong pagbabalita pagkatapos ng Nobyembre 14, hanggang sa pangwakas na mga kinalabasan sa ika-2 ng Disyembre. Ang mga kinalabasang resulta ay ipapalabas sa aming website, [www.sdvote.com](http://www.sdvote.com) sa ika-5 ng hapon sa araw ng bawat pagbabalita.

Nais naming malaman ninyo na aming layuning bilangin ang bawat legal na binotohang balota sa pinakamabilis subalit pinakamaingat na paraang maaring mapasaamin. Kung mayroon kayong mga katanungan tungkol sa aming mga pamamaraan o mga patakaran, inaanyayahan ko kayong tawagan akong diretsa sa (858) 694-3401. Maari rin kayong pumunta sa aming opisina kung nais ninyo sa Gabi ng Eleksyon o sa panahon ng pagbibilang upang pagmasdan ang aming mga pamamalakad.

Sana ay magkaroon ng isang maayos na eleksyon.

Matapat na Sumasainyo,

DEBORAH SEILER

Tagapagrehistro ng mga Botante